

DE PRÆCIPUIS MUTATIONIBUS
QUAS CORPORA AB IGNE PATIUNTUR
THESES

QUAS SUB AUSPICIIS

ILLUSTRISS. AC REVERENDISS. PRÆSULIS

MARCI ZAGURI

EPISCOPI VICETINI ETC.

PUBLICÆ PROPUGNANDAS EXPONIT

JOSEPH NOVELLO

SEMINARII VICETINI ALUMNUS

PRÆCEPTORE ET ADJUTORE

STEPHANO DE STEPHANIS

IN EODEM SEMINARIO PHYSICES

AC MATHÉSEOS LECTORE

FACTA CUIQUE POST TERTIUM ARGUENDI

COPIA MORE ACADEMICO

VICETIÆ MDCCCXVII

EX TYPOGRAPHIA MUSCA.

*Sic enim res se habet, ut omnia, quæ alantur,
et crescant, contineant in se vim caloris,
sine qua neque ali possent, neque crescere.*

Cic. de Nat. Deo, Lib. 2.

DE PRÆCIPUIS MUTATIONIBUS, QUAS
CORPORA AB IGNE PATIUNTUR

THESES

I.

Quod sensationem caloris in nobis excitat, veteres Physici sæpe *calorem* nuncuparunt, *caloricum* Recentiores; quod vero simul sensationem caloris efficit, et corpora visibilia reddit; id omnes *ignem* dixerunt. Nobis lucis effectus hoc loci minime respicientibus licebit rem eandem nunc *ignem*, nunc *caloricum* pro libitu appellare.

II.

Quotidiana experientia nos docet, singula corpora, quæ *frigida* dicuntur, si iis, quæ calida vel ignita sunt, applicentur, calefieri, atque ita calefieri, ut ea ipsa, quibus applicantur, minus calida evadant. *Caloricum*

igitur, quicquid illud sit, ea potest vi, qua de corpore in corpus sese diffundit.

III.

Corpora præterea in iisdem circumstantiis, in quibus ob accessum vel recessum calorigi magis vel minus incalescunt, alia vapores emittunt, aut fluidum aliquod aeriforme, liquantur alia aut solida fiunt, aliaque alias subeunt mutationes, quas certo non subirent, si constanter eodem caloris gradu vigerent. Illud igitur ipsum caloricum, quod corporibus vim tribuit (1, 2) nos calefaciendi, suas quoque sibi partes vindicat in plurimis eorundem status mutationibus.

IV.

Præcipue vero experimenta demonstrant, omnia fluida tum liquida, tum maxime aeriformia, omnia metalla, et plurima alia corpora solida vel solius ignis actioni exposita volumine augeri, et rarescere, eodemque volumine, remoto igne, decrescere, et densari. Licet autem plurima composita corpora ob variam elementorum facultatem vel in

auras abeundi, vel ad novos contactus sese disponendi, vel ob alias hujusmodi causas densationem aliquando loco rarefactionis ostendant; hinc tamen non sequitur, nos asserere non posse, quodlibet corpus ob accessum calorigi, spectato tantummodo hujus effectui, rareferi, et contra ob calorigi recessum densari.

V.

Quin immo ab experimentis, ex quibus plurima fluida aeriformia obtinentur, atque ex majori tum massa tum elasticitate vaporis, qui pro majori calorigi gradu a sulphurico, vel nitroso æthere, vel ab aqua, aut ab alio liquore in vasibus aere vacuis emititur, et Mercurium Manometri suspendit, aperte colligimus, ob accessum calorigi non solum (4) elasticitatem fluidorum aeriformium augeri, sed ipsa quoque corpora, vel saltem quædam eorum elementa, in hujusmodi fluida converti.

VI.

Quæ cum ita sint (3, 4, 5), calorigum; dum corpora pervadit, eisque vim tribuit

nos calefaciendi, aliam simul vim iisdem communicat, qua sese exerunt contra eas vires, quibus eorum particulæ vel inter se coherent, vel comprimuntur. Vis igitur, qua caloricum (2) datum corpus penetrat, quæcumque sit ejusdem caloricæ penetrantis copia, ita opponitur cohesionis vel compressionis viribus, ut illam has vincere, aut ab his vinci, aut cum his æquilibrium constituere necesse sit.

VII.

Harum virium æquilibrium illud, quod ostendit liquor thermometri corporibus applicati, dum ad datum quempiam altitudinis gradum sistit, *thermometrica* eorundem corporum *temperies*, vel simpliciter *temperies* vocari solet. Hæc sane *temperies* non solum mutationibus suis (4) evidenter ostendit, vel caloricum ex dictis corporibus in ipsum liquorem, vel ex liquore in dicta corpora actu migrare, sed simul etiam altiori vel depressiori statione sua (6) majorem vel minorem vim metitur, qua caloricum ab iisdem in alia ambientia corpora sese diffundit. Aliud igitur præter sensationem caloris (2, 3) habemus thermometri criterium,

quo de calorigi propagatione, præsentia, et majori vel minori, cæteris paribus, copia judicemus.

VIII.

Quod si plurima cujuscumque generis, ac temperiei corpora, aut etiam vas aere vacuum in cubiculum aliquod, cujus temperies aeris ab aliis corporibus variari nequeat, intromittantur; aliquot horis elapsis, singula demum; exceptis animalibus hominum more respirantibus, eandem thermometricam temperiem assequuntur. Caloricum igitur vi, qua in omnia corpora (2, 6) propagatur, ad thermometricæ temperiei æquilibrium perpetuo tendit, et ad illud pertingit, dummodo tempus necessarium concedatur.

IX.

Corpora nimirum diversi generis, licet ejusdem molis, alia breve, alia diuturnum tempus expostulant, ut ad idem temperiei æquilibrium perveniant, hoc est, ut ipsa eorum temperies eodem graduum numero elevetur aut deprimatur; quod tempus insuper eo diuturnius est, quo moles ipsa corporis

major est. Quare corpora diversa celeritate caloricum vel accipiunt vel emittunt, nempe varia deferendi caloricum facultate prædita sunt.

X.

Hinc plurimorum phænomenorum ratio patet; cur scilicet eodem tempore diversa sit corporum, et locorum temperies; cur antra, et putei præ corporibus in extima Telluris superficie locatis æstate depressiorem, hyeme vero altioretem temperiem ostendant; et demum cur in data sub eadem superficie centum circiter pedum altitudine constans habeatur temperies. Hæc porro phænomena, atque experimenta omnia, quibus corpora nunquam absolute densata, aut sine aliquo prorsus calórico (4, 7) reperiuntur, clare demonstrant, Tellurem seu terrestria omnia corpora quadam calorigi copia nunquam destitui.

XI.

Quoniam vero, thermometricis experimentis et sensu tactus clare loquentibus, toties corpora calida aut frigida, magisque calida aut frigida percipimus, quoties thermometrica co-

rum temperies thermometricam nostri tactus temperiem excedit aut ab ea deficit; necessario colligimus, sensationem caloris aut frigoris ab hoc temperiei (8) discrimine suam ducere originem. Cum autem singulorum corporum temperies ostendat eorum calorigi copiam (7), cæteris paribus, majorem aut minorem; jure, ac merito propugnamus, ita frigus ab hujusmodi corporum præ nostri tactus organo copię calorigi defectu tantummodo oriri, sicuti calor (1, 2, 3) producitur ab ejusdem copię excessu.

XII.

Gradus vero thermometricę temperiei humani corporis ab ambientium corporum, et præcipue circumfusi aeris temperiei gradu (8) valde plerumque distat, et sæpe varius est in variis hominibus, immo etiam in singulis organi tactus partibus. Hinc necessario fit, ut vel idem corpus alii calidum, alii frigidum, immo altera manu calidum, altera frigidum eodem tempore experiamur. Quare Physici thermometricam temperiem sensibili merito præferunt, et cum temperiem dicunt, illam semper intelligunt.

XIII.

Numquid vero temperiei mutationes calorigi copiam, quæ ad corpora accedit vel ab iisdem recedit; exacta proportionē metiuntur? Duas sumito ejusdem generis fluidi, vel pulveris cujuslibet æquales massas, in quibus perfecte æqualia thermometra mercurialia existant, quæ gradum eundem sive depressum sive elevatum ostendant. Profecto si harum alterutra ad altiore gradum ope ignis elevetur, et deinde utræque simul commisceantur; in dupla massa (8) gradus inter præcedentes arithmetice medius observabitur; dummodo illarum neutra, antequam utræque miscerentur, in eo fuerit caloris gradu, ut jam vel solida evaderet; vel liquida, aut vero ebulliret. Similiter si inæquales massæ commisceantur, gradus ille medius deprehendatur, quem mutationes temperiei in ratione inversa massarum expostulant. Ex hujusmodi sane experimentis facile inferimus, constantem calorigi copiam, iatra dictos saltem limites, in simplici ejusdem generis massa constantem efficere temperiei mutationem, et datam calorigi copiam producere in dupla massa dimidium illius mutationis, quam efficeret

in simplici massa, in tripla tertiam partem;
in quadrupla quartam, &c.

XIV.

At vero dū diversi generis æquales massæ, quæ ad eundem temperiei gradum inter se mixtæ, veluti si ejusdem generis essent, gradum eundem servant, si ad varios gradus commisceantur, gradum inter præcedentes arithmetice medium non produnt, sed vel altiore vel depresso gradum. Libra ex: gr: aquæ ad gradum 46 cum mercurii libra ad 15 permixta, communis gradus est 45, et contra libra illa ad 15, hac vero ad 46, communis est 16; nunquam arithmetice medius $30\frac{1}{2}$. Hinc necessario consequitur, eandem caloricæ copiam in æqualibus diversi generis massis diversam efficere temperiei mutationem; ac proinde singulas has massas (13) ad eandem mutationem subeundam diversam caloricæ copiam, ex: gr: mercurii massam copiam = 1, et aquæ massam copiam = 30 postulare;

XV.

Copia calorigi, quæ datam temperiei mutationem a thermometro mercuriali dimetiendam producit in data corporis massa, dicitur illius corporis *caloricum specificum*, vel ejus *specificæ continendi calorigum capacitas*. Hæc, quoad plures corporum species, non solum per dictas (14) mixtiones, sed et per Calorimetrum determinata fuit. Ex superius itaque demonstratis (13, 14) jure colligimus, copiam calorigi, quæ corpora quæque subit vel ab iisdem evolat, saltem intra limites (13) constantis capacitatis, a ratione composita eorundem massæ, specificæ capacitatis, et mutationis temperiei esse dimetiendam. Hinc facile quoque causa patet, cur corpora, quæ eadem thermometrica (8) temperie vigent, calida aut frigida, et calidiora aut frigidiora nostris (11) sensibus accidant.

XVI.

Iisdem igitur mamentibus (15) corporis massa, et calorigi copia, si temperies ejusdem corporis depressior aut altior evadat, specifica ejus capacitas major fiat aut minor,

oportet. Jam vero aer, et vapor, dum in vase pneumatico, reciprocato celeriter embolo, rarescunt, depressiorem temperiei gradum statim ostendunt. Contra vero aer, et vapor compressi mox exhibent altiore gradum; similiter ferrum crebris ictibus mallei percussus vel incandescit, et demum plurima corpora solo attritu incalescunt. Ambientia autem corpora, thermometris (7) ostendentibus, caloricum jam rarefactis tribuunt, aut a compressis accipiunt potius, quam tribuant his, ab illis accipiant. Specifica ergo corporum (15) capacitas major fit, quo minoribus, minor autem, quo majoribus viribus ea comprimuntur.

XVII.

Plurima deinde diversi generis, sed ejusdem temperiei corpora, dum mixta invicem dissolvuntur (uti sales cum aqua et præsertim cum glacie, tum folia stanni mercurio immersa, aut parva aquæ copia corporum superficiem madefaciens et aeri exposita vel in eo agitata, tum alia similia), temperiem præcedenti depressiorem statim demonstrant, quamvis caloricum circumfusus corporibus non (7) tribuant, sed potius ab illis ad se tra-

hant. Contra vero si quædam alia corpora misceantur (uti alcohol cum aqua, vel aceto ejusdem temperiei, tum acidum nitricum, vel sulphuricum cum aqua, oleo, ferro, aliisque corporibus, tum etiam viva calx cum aqua, et similia); ex hac mixtione altiore gradum consequuntur, dum circumfusus caloricum (7) impertiuntur. Mutua igitur corporum diversi generis affinitatis actio eodem modo, quo vires (16) comprimentes, efficit, ut corporum (15) capacitas major, aut minor evadat,

XVIII.

Glacies demum cum æquali calentis aquæ massa conjuncta vel ex parte, vel penitus, si aqua gradum 60 attigerit, refunditur: mixtorum vero temperies supra terminum congelationis aquæ nunquam elevatur, nisi per dimidium excessus calentis aquæ supra gradum 60. Contra vero si fiat aliquando, ut aqua aliquibus infra dictum terminum gradibus liquida permanens repente in glaciem concreascit, illico ad ipsum temperiei terminum elevatur, atque etiam circumfuso aeri caloricum (7) manifeste tribuit. Simili

modo soluti sales, dum in crystallos coeunt, caloricum emittunt. Præterea temperies glaciæ, et similiter metallorum, aliorumve corporum, dum ab igne liquescunt, tum temperies liquorum, dum ebulliunt, seu vapores fiunt, utcumque circumfusus ignis eadem corpora subeat, nunquam elevatur supra determinatum gradum fusionis, vel evaporationis sub data constanti pressione singulis proprium; neque contra temperies liquorum, aut vaporum infra ipsum gradum deprimitur, donec penitus in solidum, aut in liquidum sub eadem pressione redigantur. Quoties igitur eadem massa ad statum liquidum, vel aeriformem, aut contra ex liquido ad solidum, vel ab aeriformi ad liquidum transit; toties ejus copia calorigi, iisdem quoque manentibus temperie et pressione, major aut minor evadit; ac proinde in hisce oppositis mutationibus (15) augescit vel decrescit specifica corporum capacitas.

XIX.

Specificane igitur corporum capacitas, seu calorigi copia proportionem respondet specifico eorum volumini, hujusque unica causa est?

Id negamus. Quamvis enim incrementa vel decrementa voluminis corporis alicujus æqualibus mercurialis thermometri gradibus respondentia per aliquod temperiei intervallum æqualia sint inter se, quemadmodum constans est specifica ejusdem corporis (13) capacitas; tamen quæ gradibus soliditati proximis respondent, ut plurimum minora sunt, et quæ respondent gradibus fusioni, vel ebullitioni proximis, majora semper inveniuntur. Immo hoc ipsum de Mercurio repetendum est; cujus ideo æquales thermometrici gradus, licet post longum præ cæteris liquoribus intervallum, demum tamen ab officio desistant constantis (13, 15) capacitatis dimetiendæ. Præterea ne specifiçi quidem voluminis corporum diversi, vel ejusdem (14, 18) generis, quæ statum mutant, et specificæ eorum capacitatis eadem geometrica ratio habetur, quamvis, quo hæc major est, illud quoque plerumque augeatur. Specificum ergo corporum volumen sub eadem temperie a sola specifica eorum calorigi copia minime produci-
t.

XX.

Quare præter copiam calorigi aliæ causæ

déntur oportet, quæ corporum volumen afficiant ex ipsa eorumdem natura pendentes. Hæ aliquando sub sensus cadunt; huiusmodi enim sunt dispositio elementorum ad varios contactus, ex qua varia interpositi vacui copia habetur; et varia eorum in iisdem circumstantiis facultas (17, 18) ipsum caloricum vel admittendi vel excludendi, ex qua fit, ut alia elementa rarescant, et alia eodem tempore densentur. Nil igitur mirum, si rarefactio aut densatio, quæ vel ab accessu vel a recessu calorigi (4) oriuntur, ita ab oppositis causis perturbentur, ut calorigi proprietatibus repugnare videantur.

XXI.

Ex superius itaque demonstratis (16, 17, 18) meridiana luce clarius patet, calorigi copiam, quæ datam corporis massam subit aut ab ea recedit, esse valde magnam in iis circumstantiis, in quibus remittuntur aut intenduntur vires, quibus ejusdem massæ particulæ vel inter se (18) cohærent, vel (16) comprimuntur, et simul in iis, in quibus mutua diversi generis particularum actio (17) cum illarum virium vel remissione, vel in-

tensione conspirat. At vero (6) necesse est, ut hujusmodi vires aliquando vincantur, aut vincant vim, qua caloricum singula corpora qualibet copia subire conatur. Asserendum igitur est, varias status corporum mutationes, in quibus caloricum (3) suas partes sibi vindicat, ab oppositis harum virium actionibus, seu ab hujusmodi copię calorigi accessu aut recessu ab iisdem inducto suam revera ducere originem.

XXII.

Quod si igitur pristina (10) dati corporis calorigi copia a nova superveniente (21) copia ita augeatur, ut integrantes ejus particulę demum vi minima inter se cohæreant, quę nihil obstat, quominus illę gravitate sua superficiem horizonti parallelam constituent, et vel minime cuicumque vi illatę cedant; tunc corpus illud liquidum fiet, ac tale, permanentibus iisdem circumstantiis, persistet. Contra vero statum soliditatis acquireret, si, mutatis circumstantiis, et prædictarum (21) virium actionibus, pristina ejus calorigi copia ita imminuatur, ut eadē particulę rursus in aliquibus saltem

punctis sese contingant, simulque invicem cohæreant. Liquefactio itaque corporum ab aucta eorum calorigi copia, permanens liquiditas a permanenti data copia, et demum soliditas, ex: gr: aquæ conversio in glaciem, oritur ab ejusdem copię diminutione.

XXIII.

Quia immo si corporis solidi, vel liquidi, vel saltem quarundam ejus particularum copia calorigi rursus ita crescat, ut ipsæ particulæ magnum valde, sicuti aer, præ reliquis corporibus (4, 5) obtineant volumen, eamque elasticitatem, qua illud servare possint contra nisum oppositarum (21) virium; tunc corpus illud aeriforme fluidum, quod *vapor*, aut *gas* appellatur, constituet. Si vero, prævalentibus oppositis viribus, et recedente calorigo, elasticitas illa, et volumen deficiat, corpus ad pristinum statum restituetur. Fluida scilicet aeriformia, quæ statum amittunt ob solam ambientium corporum vel depressam temperiem, vel mechanicam compressionem, *vapores* dicuntur; quæ vero hisce viribus minime cedunt, et ob validam tantummodo diversi generis corporum

affinitatem illum amittere possunt, gas appellari consuescunt. Vapores igitur, et gas nihil aliud sunt, nisi ipsa corpora solida, vel liquida cum valde majori, quam antea, calorigi copia conjuncta,

XXIV.

Chymici itaque, supradictis (21) oppositarum virium actionibus in usum maxima industria vocatis, e costu diversorum elementorum corpora componentium, quorum similis mutatio status, cæteris (16, 17) paribus, varium temperiei gradum (18) expostulat, quædam præ reliquis segregare, aut contra cum aliis corporibus miscere, et conjungere pro lubitu facillime possunt. Elementa vero hujusmodi, quæ statum aeriformem consequuntur, sive in hoc statu existant, sive secum invicem, vel cum aliis corporibus in statu fluiditatis, aut soliditatis conjuncta sint; ipsa quoque diversas admodum proprietates ostendunt, quemadmodum reliqua corpora, aut elementa corporum, quæ proprio nomine distinguuntur. Merito igitur Recentiores ea propriis nominibus: *oxygenium*, *nitrogenium*, *hydrogenium*, *car-*

bonium &c. distinxerunt, eademque *bases* (23) *fluidorum aeriformium* nuncuparunt.

XXV.

Singularis est, et rem nostram proxime respicit ea gas oxygenii proprietas, ob quam corpora quæque combustibilia in eo facilius, et celerius, quam in aere atmosphærico, comburuntur. In hisce combustionibus gas oxygenium, magna calorigi copia expulsa, statum aeriformem amittit, ejusque basis *oxygenium* combustilibus adeo manifeste conjungitur, ut inter eorum, consumptique gas pondus, et pondus, quò nova composita simul sumpta pollent, nullum ne ab expulso quidem calorigo inductum discrimen bilancis experimento deprehendi possit. Composita hujusmodi vel singula, vel saltem pleraque, sive solida sive liquida sive aeriformia sint, ad eam corporum speciem pertinent, e quibus oxygenium (24) rursus educitur, aut in quibus oxygenium existere alia experimenta demonstrant, et quæ vel *oxyda* dicuntur, vel inter *acida* referuntur. Patet ergo basim gas oxygenii, dum statum aeriformem, et maximam calorigi

cepiam (18, 23) per combustionem amittit; corporibus combustilibus magna vi affinitatis adjungi.

XXVI.

Plurima vero corpora (nri phosphorum, sulphur, carbones, ferrum, mercurius &c.) in aere atmosphærico combusta, decrescente viginti et septem centesimis partibus aeris ejusdem pondere, perinde ac si in gas oxygenio combusta essent, in eadem prorsus, quæ supra (25) vidimus, nova composita convertuntur, ex quibus purum gas oxygenium rursus educi posset. Reliquum vero aeris, cujus pondus septuaginta tres centesimas partes adæquat, nullius ulterius corporis ustioni inservire potest, et una circiter ex dictis partibus excepta, illud est, quod *gas azotum*, vel *gas nitrogenium* appellant. Quod si gas oxygenium, et nitrogenium dicta proportionem simul commisceantur, gas ejusdem indolis obtinetur, cujus est aer atmosphæricus. Hinc aerem atmosphæricum ex dicta præsertim gas oxygenii, et nitrogenii proportionem constari non dubitamus.

XXVII.

Mira quoque est puri gas hydrogenii in puro gas oxygenio combustio. Hæc fluida aeriformia in mutuo contactu posita, et ab electrica vel exigua scintilla accensa protinus invicem copulantur, et ita densantur, ut inde, expulsa maxima calorigi copia, liquida aqua proveniat. Contra vero hæc, vel alia quælibet pura fontis aqua mutue corporum combustibilium (ferri scilicet, zinci, carbonis, aliorumve) affinitatis, simulque ignis actionibus exposita gas hydrogenium emittit et oxygenium præbet iisdem combustibilibus, quæ propter hoc solum oxygenium in superius (25, 26) memorata composita commutantur. Hujusmodi experimenta pluries instituta quindecim gas hydrogenii, et octuaginta quinque gas oxygenii ponderis partes centum aquæ partes conficere, aut contra has in illas resolvi manifeste docuerunt. Asserere itaque non ambigimus, aquam ex dicta hydrogenii, et oxygenii portione esse compositam.

XXVIII.

Nulla demum corpora, nisi in gas oxygenio, aut in alio, quod illud ita contineat, ut facile etiam emittat, communia combustionis phænomena exhibere possunt; neque ulla fit eorum combustio, ex qua vel unum, vel plura ex superius dictis (25, 26, 27) compositis non producantur. Combustio ex gr: octo alcoholis unciarum novem aquæ uncias producit. Quævis autem conjunctio corporum cum oxygenio eorum *oxygenatio* a Chymicis vocatur. Necessario igitur inferendum, communem corporum combustionem esse eam mutuæ affinitatis actionem, aut speciem oxygenationis, ob quam eadem corpora oxygenio, quod statum aeriformem, et magnam caloricæ copiam (25) amittit, arcte admodum copulantur.

XXIX.

Quælibet autem mutuæ affinitatis actio eo major evadit, quo eadem mutua corporum affinitas major est, et quo major eorundem corporum copia intra illius actionis limites constituitur. Hinc, eadem quoque gas oxy-

genii copia, ac densitate posita, combustibilia diversi generis ad varios temperiei, seu rarefactionis (4) gradus elevari, vel a calorico dissolvi, vel etiam in statu aeriformi constitui debent, ut eorum cum eodem gas mutuus contactus, et mutua actio tanta fiat, qua possint cum ejus basi copulari. Accensio autem fluidi aeriformis, quod nonnulla corpora recenter extincta, vel jamjam paritura flammam præ cæteris emittunt, aperte nos docet, illud, quod actu cum oxygenio conjungitur, ipsamque pyramidalem flammam constituit, esse revera disjunctarum particularum congeriem, quæ a solido corpore dimanant. Ratio igitur, ob quam alia corpora ardeant cum flamma, alia non item, ex eo pendet, quod illa utique, hæc non item, dum gas oxygenium decompount, aeriformem statum assequuntur.

XXX.

Undenam vero est, cur animalia hominum more respirantia (8) præ circumfuso aere altiori plerumque temperie fruantur? Hujusmodi sane animalia, ostendentibus experimentis, ut respirare possint, et vitam de-

gere, eadem ratione, qua corpora, ut (28) comburantur, in inspirato aere majorem, quam cætera animalia, gas oxygenii copiam necessario expostulant. Hæc autem copia in expirato aere haud amplius observatur, sed ejus loco gas acidum carbonicum, et aqueus vapor inveniuntur, quæ duo præcipuam illius basis partem (26; 27) sibi vindicant. Sanguinis demum arteriosi major, quam venosi, (14) capacitas ostendit calorigi copiam ex ejusdem oxygenii gas (25, 28) condensatione in ipsum arteriosum sanguinem transfusam. Igitur animalium respiratio est ejusmodi actio, qua oxygenium oxygenii gas inspirati cum sanguinis elementis, et præcipue cum ejusdem carbonio, et hydrogenio copulatur, et quamdam calorigi copiam sanguini pulmones alluenti suppeditat. Hæc autem copia est, quæ, dum idem sanguis ex arteriis ad venas transit, corporis animalis temperiem elevat, eamque præ circumfuso aere altiore conservat.

XXXI.

Quid igitur est calorigum? Profecto quod cujuscumque generis corpora (2, 7, 8, 10)

pervadit, eorum volumen (4, 5, 13) auget, eadem liquida, vel aeriformia (22, 23) reddit, non occupare locum excogitare non possumus. Quod vero non secus, ac plurima alia corpora, diversa vi, diversaque copia (6, 9, 14, 18) ab æqualibus massis imbibitur, iisdemque, ac illa, mutæ affinitatis legibus (3, 17, 21, 24) subjici videtur, ipsam affinitatem cum illis exercere, et universali attractione pollere, ac proinde, licet ejus pondus experimento bilancis adhuc explorari non potuerit, versus Telluris centrum grave esse, facili negotio concipimus. Singula demum hujusmodi calorigi phænomena a solo corporum motu originem ducere, nisi revera fluidum aliquod ab iis diversum in eadem irrepit, probari non potest. Quare tanti hæc omnia ponderis nobis videntur, ut calorigum corpus *sui generis* judicandum esse suadeant.

XXXII.

Quodlibet vero sit hoc corpus, sive ipsa lucis substantia, aut ejus elementum, sive non; certum est ex quotidiana experientia, lucem Solis alterna actione sua, obliqua ma-

gis vel minus, brevi vel diuturna; minorem aut maiorem singulis corporibus addere calorigi copiam. Hinc non obscure intelligimus, Solis actionem non secus, ac actio (21, 24) vulgaris ignis, ita afficere vires, quibus singulorum corporum particulæ vel inter se cohærent, vel comprimuntur, vel in se invicem agunt, ut phænomenorum series, et rerum vicissitudines, quas omnipotens Conditor omnium Deus ad humani præcipue generis utilitatem constituit, perpetuo ac miro ordine consequantur. Quam bonus ergo Deus, qui hæc adeo bona decernens voluit etiam voce sua confirmatum; ea nunquam nobis esse defutura; ait enim (Gen. cap. 8. v. 22.) *Cunctis diebus terræ sementis et messis, frigus et æstus, hyems et æstas, nox et dies non requiescent.*

